

Terms and Conditions

The Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Library.

Each copy of any part of this document must contain there Terms and Conditions. With the usage of the library's online system to access or download a digitized document you accept there Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Library

For reproduction requests and permissions, please contact us. If citing materials, please give proper attribution of the source.

Imprint:

Director: Mag. Renate Plöchl

Deputy director: Mag. Julian Sagmeister

Owner of medium: Oberösterreichische Landesbibliothek

Publisher: Oberösterreichische Landesbibliothek, 4021 Linz, Schillerplatz 2

Contact:

Email: [landesbibliothek\(at\)ooe.gv.at](mailto:landesbibliothek(at)ooe.gv.at)

Telephone: +43(732) 7720-53100

Summa

III. Buch C. II.

der Kinder
Israel.

vnd namen / von zwenzig jaren vnd drüber / was ins Heer zu ziehen tuchte / wurden zum Stam Naphthali gezelet / drey vnd funffzig tausent vnd vier hundert.

DIS sind / die Mose vnd Aaron zeleten sampt den zwelff Fürsten Israel / der ja einer vber ein Haus irer Väter war. Vnd die Summa der Kinder Israel nach irer Väter heuser / von zwenzig jaren vnd drüber / was ins Heer zu ziehen tuchte in Israel / der war sechs mal hundert tausent vnd drey tausent / funff hundert vnd funffzig. Aber die Leuiten nach irer Väter Stam wurden nicht mit vnter gezelet.

Stam
Leui.

UND der HERR redet mit Mose / vnd sprach. Den Stam Leui soltu nicht zeleten / noch ire Summa nemen vnter den Kindern Israel. Sondern du solt sie ordenen zur Wohnung bey dem Zeugnis / vnd zu allem Gerete vnd allem was dazu gehöret / Vnd sie sollen die Wohnung tragen vnd alles Gerete / vnd sollen sein pflegen / vnd vmb die Wohnung her sich lagern. Vnd wenn man reisen sol / So sollen die Leuiten die Wohnung abnemen / Wenn aber das Heer zu lagern ist / sollen sie die Wohnung auffschlahen / Vnd wo ein Frembder sich da zu machet / der sol sterben. Die Kinder Israel sollen sich lagern ein iglicher in sein Lager vnd bey das Panir seiner Schar. Aber die Leuiten sollen sich vmb die Wohnung des Zeugnis her lagern / Auff das nicht ein zorn vber die Gemeine der Kinder Israel kome / Darumb sollen die Leuiten der Hut warten an der Wohnung des Zeugnis. Vnd die Kinder Israel theten alles / wie der HERR Mose geboten hatte.

II.

Lager
der Stimme
Israel.



UND der HERR redet mit Mose vnd Aaron / vnd sprach. Die Kinder Israel sollen für der Hütten des Stiffts vmb her sich lagern / ein iglicher vnter seinem Panir vnd Zeichen / nach irer Väter haus.

Gegen Morgen sol sich lagern Juda mit seinem Panir vnd sein Heer an der Summa / vier vnd siebenzig tausent vnd sechs hundert. Neben im sol sich lagern der Stam Isaschar / Ir Heubtman Nabhesson der son Amminadab / vnd sein Heer an der Summa / vier vnd funffzig tausent vnd vier hundert. Da zu der Stam Sebulon / Ir Heubtman Eliab der son Helon / sein Heer an der Summa / sieben vnd funffzig tausent vnd vier hundert. Das alle / die ins Lager Juda gehören / seien an der Summa / hundert vnd sechs vnd achtzig tausent / vnd vier hundert / die zu irem Heer gehören / Vnd sollen forn anziehen.

Gegen Mittag solligen das gezelt vnd panir Ruben mit irem Heer / Ir Heubtman Elisur der son Sedeur / vnd sein Heer an der Summa / sechs vnd vierzig tausent / funff hundert. Neben im sol sich lagern der Stam Simeon / Ir Heubtman Selumiel der son Zuri Sadai / vnd sein Heer an der Summa / neun vnd funffzig tausent / drey hundert. Da zu der Stam Gad / Ir Heubtman Eliasaph der son Reguel / vnd sein Heer an der Summa / funff vnd vierzig tausent / sechs hundert vnd funffzig. Das alle / die ins Lager Ruben gehören / seien an der Summa / hundert vnd ein vnd funffzig tausent / vier hundert vnd funffzig / die zu irem Heer gehören / Vnd sollen die andern im ausziehen sein.

^a
Sap. 10
Reguel

Nach sol die Hütten des Stiffts ziehen mit dem Lager der Leuiten Lager mitten vnter den Lagern / Vnd wie sie sich lagern / so sollen sie auch ziehen / ein iglicher an seinem Ort vnter seinem Panir.

Gegen Abend solligen das gezelt vnd panir Ephraim mit irem Heer / Ir Heubtman sol sein Elisama der son Amihud / vnd sein Heer an der Summa / vierzig tausent vnd funff hundert. Neben im sol sich lagern der Stam Manasse /